

E-nawasōnikātēk

itē isi

Nēkān Kāwē Isi Pamētāniwik
Iskwāskisēw ōta Canada

Nēkān

ē-wēhcikātēk pāki ōta

ē-wēhčikātēk

Nistwāski otahk, Nuclear Waste Management Organization (NWMO) kā isinekāsowak Nike māci māmtonenetenān kita wēcēsecikēmāyākwāw enewak ōchi Canada tānsi -ōma kāwē isi kitāpatahmahk ōma Nuclear Fuel kēsinekātek iskwāskasēw. Ikosi ikē wāpātamahk kitēsimināsik enewak kita nitawenetākwāw, kita tāpwe wakenetākwāw kita wēcasik āpacecikana āpatākwāwi, mēna ēkā mistahi kita mēstinikēpanic. Ekosi ekwa ochēcipanēw kita sipwēwēpinikēyahk.

Etāpwēwakēnētākwāw enewak Canada, anōch ōko kāpinmātsicik oskiyahk kita otinākwāw kita pimōtatācik, Ekosi peyātak kita kitāpāciktātēk eyakwānima iskwāskisēw Nuclear Waste kēsiekātamak kāke ōsitamākōyahk pinesēw iskotēw anita ōchi anihī kācimateki assini ōchi kōsetāniwiki. Katawa ewāko anima isecikewin. Enewak anisk ōta Canada nōteh kecināmāwak ēkā kita nisōwanācecitwaweht otaskewāw ekwa onipemōwāw. Anisk enisowanācecikemahkāk anima iskwāskisēw. Ekwa mēna nitawēnētamwak isi oskāyihk kiskenetamōwin tapetokatāniwik tāpitaw. NWMO kesi wāpatāhwāw, ayihow ōchi anima māwaci emināsik oskiyahk kiskenetamowin ōta ekwa misiwescamik kati nōkwāk esōkityeskācocik ekwanikok kiskēnetamōwin eyayācik kita tipitōtākwāw anima kāke itēnētākwāw.

Ekosi NWMO isi kākēsikimēwak Canada nisekāc kitēsi wāskawēnit ekwa kita piskēc astānit animenew iskwāskisēw itāmik askihk ita assina ēyāpit. Eka kita nisowanācēcikēmahkāk. Ekosi ekwa kita kitēnēcikātēw anima kākoseskākek machi cakāstew ekota kocipanic. Missiwē assinikāhn kita wāskāpit ahpō kistasinni ita kita kipahikatēk. ekwa āskwēnikohk kita nitawāpēnikāniwik. Kitēsi wēcōtinikātek pātima asci kitēsitanīwik. Ewako anima kāke isi kakeskēkēmowahk nistawinākwān katawa āpacēcikan poko kita āpatahk. Ninitokēmonān nāntawita ētāwin ahpō ōcēnās ēnōhte wēchiwecik ekwa ē-itinēsicik ekwātowik ōchi kēkwān. Kisiwāk ekota kita nahastāniwik ōma kēkwān. Nānāci ewako anima kāwē ispanic. Kita isi wēci nistotākwāw enewak mēna kita isētāniwin. Tāskohk kita sāpwāstēk kita ke itwehk. A āskwēnikohk kita tawinmācik enewak kita pēkiskwēcik ōma pētos kātēspanic. Adaptive Phase Management ewako icikātēw.

Enakiskācicatek Nuclear Waste (iskwāskisew)

Mēcitow mitanaw aski ekēsipanic Canada kēpē āpahtan pinēsēw iskotēw. Ewako anima pinēsēw iskotēw Nuclear Reactors eyotinikatēk. Ewakoni māka kakostātikwāki. Assini ana kākiskotawēt eyāpatsit kāsōkahk pahkisikan ita kocositāniwiki. Pēyak ōtenaw kānisowanācētāniwik. Ahtiht ōho tepahaskāna tāskōhk Ontario ,Quebec New Brunswick āsay āpatanwa kayās ōhci. Sāsay niso sāpo kēci mitahtatomitanow ēmicimapitēki anihī ē iskokāteki iskwākisēwa itakwanwa . nisto mitānawāw kēci mitataht omitanaw kēchi kosikwanwa. Nēsawāw kēchi mitātomitanaw kosikwan anisk pēyak kēchi kosikwan. Kēspin ōti kēyāpic atoskēmākwāwi anihī nēstannaw nēsosāp keyāpic ketakwāki Nuclear Reactors nāntaw nēmtanaw aski. Ewako anima akētāson nēsawāw tapawāc ketēs panew. Kākēsāpatāk ewako iskotēw , pēcipowinowin anima iskwāskisēw. Nisēkātēc poko kitēsi pamētāniwik, Pēcipowi cakāstēw anima nāspici ati nēsowan, māka kēyāpic pēcipowin ekota ayāw . kēyāpic kinwēs kostātikwan.

Kita kēcināhonāniwik paspēwinihk ekwa kitēnēcikēwinihk isi tākitāpāciktātēk kēkwān kinwēsēskaamik ekostātikwak tāskok aspin ōhci kāpēmasinahikātēki isēcikēwina, ekwanicohk ispē

tāskōhk enāhetāwāhk anisitinewinihk isi ekwa āpacēcikanihk isi asci. Anōch kēsēnēkikāteki kekwan kinwes kita pimātoskāciktātēw. Ketināc kita nakiskātāmōmakan petos kita etspanic kiskenetamiwinihk isi ahpō āpacecikana kesi āpacitāniwiki kesi māmtonenētāhwāw enewak, kesi pamētāniwik okimāwiwin ekwa tānsi kāwi ati ispathit soniyāw.

Mekwāc ōta Canada, piscec kanaweniciktātēw anima iskwāskisew acinaw ita kāhosehōmahkāk. Masinikan poko kita etakohk. Tāskōhk kotaka askiya ita yeyākonima iskotew kāpatahk, Canada poko keyāpic kita kesenetākwāw tānsi kāwe isi kitetenetākwāw Kenwes nawac. Yeyākōci onasowewin kākeyosetāniwik aniki kātipenetākwāw yewakoni kita onāstacik ōma NWMO kā isinekātek. Ekota ōchi kita kitapaciktātēk anima iskwāskisew. E-pimitisahamahk anima Nuclear Fuel Waste Act (NFWA) nike wesāmānānahk ekitāpimikocik ekota kekwan enewak tāskōhk, kanekānecik e-okiskenetamowinicik, sōniyāwa kāpakitinācik, ekwa nehinawahk kita wechewecik pekiskwewinihk ekwa nitawāpenikewinihk isi. Māti tānsi kā isi tawāhk ōma wānaw ōhci e-kitāpāciktātēk.

E- nitotacik Athisitiniwak Canada.

Nihnitawāpēnikēwinān takohk e-yastēk ita emaskawāk- Tāskōc kāke itwēyahk iyē māmwāwinamahk kamināsik ōpikiwin; iwe pakākāpāhtamāhk paspewin ekwa sōkēnimowin, wānaw ōhci iwē kita patahmāhk kēkwān; katawa isi māmitonithēcikan; ekwa enewak otayāmōwinōwāw kita nisitōtamohk.

Canada enewak etatenētamwak kwāyask kiskēnētamiwin kita āpahtahkkita nisitocikātēk I ōho kākwēsapanātāki kēkwāna ekwa kita nisitawinācikatēki anihi āpacecikanatapatāki kita kitēnēcikatēk iskwāskisēw. Namōna māka āpacecikana ōhci kiskēnētamōwin peko kita nitawēnētākwān. Kēyām kiskēnētamōwin kita kē wēcikēmakahk ispe kekwan kāwē pacipanic, Namōna māka kita kiskēnētamomakan enewak kāwē itēnētākwāw kekwan. Kā itēnētākwāw enewak kā isi wapātāhwāw anima kekwan kita ke pacipanic āhpō kāwē isi paciwepahokocik mēna ōstapoko kita astāniwik anima kākēskimōwēwin.

Mēcēt enewak kē āpaciāhwāhka ōma kā mawacitāniwik kiskēnētamōwin. Enewak e-pāpekiswātocik ekwa otayāmōwinōwāw e-yati masinahikātēnik. Pāpetos isi enitawāpēnikiyahk, tānsi ōma kā itastēniki enewak ōmāmitonēnēcikanōwāwa, ekwa epekiskwātayākwāw nēhinawak, e-kwakwe kiskēnētamahk kāwē ati ispanic, ekwa ē-kocitāyahk kēkwān kā pihtamac.

Mistahi kēkwān mēna pēyakwan. Nēso kēkwān māwaci kēhci: Eka kita māni tōtakocikēmakahk- enewak, etāwina, ekwa aski;ekwa asci kita tāpitawāhka-anōhc ōko kapimātisicik ekwa mēna aniki kāwe pimātisicik.

Ekosi nitatēnistotenān anima kānitawēnēcikatēk eka kita kostātikwahk ekwa kita tāpitawāhk. ewako māwaci minwāsin. Wēna ekosi eyitwēmakahk:

- Anohc ōma kestanānaw kita otinamahk ekwa kita pimotitāyahk kēnwēs kita kitenētamāhk oma machi kēkwān kawēpinikatēk.

- Namwāc kita kēpēhonānowin.

- Kētīnāhc mēna kēkwān kita ispanic anima kētasōwācikatēk. Māka ekwa kitakē

mēskwātasōwātākwaw asici otē nēkān kāwē pimātisicik Kēkwān ate isi nahipaniki

- Kenānow ekwa nēkān ōko kita kitāpātamahk kawēpinikātek kēkwān tāskoc iskwāskisēw kita kēcināowahk ekā kita nisowanācēcikēmahkāhk. Ekwa mēna kēspin ci ekā katahwa kēkwān ē-tocikātēk ahpo kēspin kiskēnētamowin oskāyihk kēkwān kiwē wētāmakonānaw

Enewak Canada kotakisocik mēna kēwēhtamwak tansi e-yitēnētākwaw ōma kēkwān ita kakinaw kēkwān kōcipimakotēk ekwa kētasōwacikatēk ewako. NWMO namohc kē ohci kitapahtamwak ewakwēnēw ahpo anima kapatahk Nuclear Power ka isinēkātēk, Kā pēcipowiniwit asissi kāpatsit kōsetāniwik pinēsēw iskotēw. Nitēnētēnān nēkān ōhtē piskihc kita pēkiskwātēcikatēk mēna ewako. Enewak kita kā kakwēcimēcik Iskwāskisēw māka kita etākwān isko ispē kita pōni apahtāhki anihi kācimātēki assinihkan ōhci kosetāniwiki pēnēsēw iskotēw kōsetāniwik assini kāpēcipowiniwit ita kā kēsisot. Eyākonima poko kānohtē kiskenetamahk ,tānsi kita isi kanawēnicikātek anima iskwāskisēw nipahi kinwēsēsikāmik. Namōna wēna kekwan iwe itwēyahk namohc ahpo ehē kāwe isi ahpatāhki ewakoni kakostātikwāki iskotēwa.

E-kitapahcikateki Anihi Kanawasonikateki

Ekosi kē tasowātikowākwāw NFWA, nike kā kitapātēnānanihi pāpetos kita kē isi wēpinikāniwik. Nistwāyak isi kā kitāpāhtamāhk māhti kita minwāsik ahpo kita kostāikwahk, ahpōkita isi mēstinikēpathic: Itāmihk assinihkan kita kātāniwik, Canadian Shield oma kēcikātek, Pēyakwanta kita nahascikātēk tāskōhc ahpō itām askamik, ahpō kēcīwāk ita pēnesēw iskotēw kōsetāniwik, ita iskwāskisēw nistam kāyak. Kwāyask nikē āpaciāhkonān anima kiskēnētamowin nēyanān o mitanaw aski aspin ōhci kāmāwahcētāniwik.

Ewakoni anihi kānawasonikātēki nāmāci ewakoni kā mistahi pēkiskwātākwāw enewak Canada māwaci mistahi eyitēnētākwāki: pēyakwan kākinaw awayak kita isi pamihet, minwāyāwin, otātoskēwak ominwāyāwinōwāw , etāwinihkan isi minwāyāwin pēyātāhka pimātsiwin, ekwa pēyātākēnimōwin, kākanatēnēcikatēk aski, sōniyāw kita nācatokātiht ekwa pāpētos kita itāpatsit. Kānākacitacik kēkwān mēna ke wēcīhiwēwahk ōho kānawasonikātēki. Isi kēsi tāpastayahk anihi

kānawasonikātēki māka wēcihiwēmakan kātawa eyisi kitēnimēcik enewak.

Mākēkwa kēyām ata ewakoni anihi nisto, ahatiht kēkwān ēminwāsic eyayāk, namwāc peyak kākinaw kēkwān anima kita ke kitāpatcikātēk ekota astēw. Tāskōc enewak anima kākē itwēcik.

Ita kākitēnēcikātēk iskwāskisēw ka isi nawāsoikātēki anihi tahto etatēnēcikātēwa katahwa tēsapaniki acinaw ātawēna. Māka ekwa, anihi āsay ita kāyaki kācimatēki asinnihkān ōhci, nahmwāc nawasonikātēwa ita kita nahascikāniwik kihci. Ekwa mēna anihi ēcāwinsa ita ēyakoni kācimāteki ētatēnimowahk nāntawispē kita atotāniwiki. NWMO tāpwētawak ekwanikohk mistahi kēkwān e-animwaynētākwahk, minwāyāwinihk isi peyātākēnimōwinihk isi , ekwa askihk Isi kitēsi kanācētāniwik, mēna soniyāw kita kitāpimiht isi kēnēs isi kitesī kitāpacikatēk. Mistahi anisk pakosēnimōnaniwin ōma katawa kitēsi pamētāniwik kēkwāy ekwa ashci kita kitāpatcikātēk. NWMO itēnētawak acināw kita minopanic mākēkwa tānsi etokē ati pātima.

Anima kākē nawasōnikātēk pēyak, itāmihk assinihk kita kitēnēcikātēk wēna minwāsin. Mākēkwa ati kēnwēs namōna kitakē mēskwaciwēpinikāniwin.pikwēsēsi. Māka anisk eyākonima enewak ēkē itwānētākwāw kita minwāsik kēspin kita kēmēskwaciwēpinikāniwik ah āhskwēnikohk. Ati wēpac māmawāc ekwanikohk kita wēcāsin kita māmēskwacasowācikatēk wēta ohci ana assini ēka nantaw kita kē tōhtaht pāhkaci ekota astāniwiki kēkwān. Ayihow ōti oski kiskēnētawowin ispanici.

Tānsi mēna kāwē ati ispanic kihci mitāhtat omitanawāski namwāc kiskēnētākwān.

Ekwa mēna ōtē nēkān ōko ati etahtwāwi, awasisak opikitwāwi namona kēkwān kita ke mēskwātasowātawak pokōci ana assini eka pikwēsī kita kē tōhtaht. Ekosi ekwa Namōna kita minwāsin kēnwēs isi kita kitāpatcikātēk.

Ekosi ekwa pētos ekwa nitisi kiāpātēnān kita kē ispanic. Petos kitēsi kocitāyāhk. Isi kitēsi nahipanic. Nānisēcāhc kitēsi tōcikatēk ekwa pēyāhtak kita pimipanētāniwik

Papeyatak kesi pametaniwik nanahenikohk ka kitapatcikatek

NWMO ekosi itwēwak , nānahēnikohk kita kitāpāhcikatēk (adaptive phased management) kita pimitsahikatēk. Tānsi āpacēcikana kitēsi āpatahki ekwa tānsi kitēsi pimipanētāniwik. Eyākonī ōho kēhci kēkwāna ekota kāstēki.

- Nāntawita kita māmawi asastāniwiki iskwāskisēwa ita kita kitāpātēcikatēki. Ita ē-minwāsic assinni mistahi e-apiht.
- Nānahēnikohk kita māmawapēscikatēk, kita ahonasōwāniwik.
- Pēyakwāyak kita nahastāniwik pitahma
- Tāpitaw kita nākatokāhcikatēk
- Kita kasketāniwik kāwi kita otinikātēk kita mōnahikātēk tāskohk iskwāskisēw . Kēspin ekosi isi nitawēnēcikātēki.
- Enewak kita kākwecimēcik ekwa kita wēcihiwēcik

Ekwa ōma kāhti masinahikātēk nahwahc mistahi wēhcikēmahkan.

Anihi kawē isi tocikateki Nanahethikohk kakitapahcikatek.

Māmitōnenetamowin

Ewakoni ōho kitēsi tōcikātēki, pēyak, nēso, nisto ekosēsi

- Nistam pēyak: Kita kwāyācētaniwik ita kāwē māmawi nahastāniwik iskwāskisēw kāwēnannākatōkāniwik.
- Ekwa nēso: Kamāmawi nahastāniwiki anihi ekwa kēkwān āpacēcikan kāpatahk ekwa inikohk ē-minwāsik
- Nisto: Kēnwēsēskamik kita nahastēk, kita piskētāstēk ekwa kita nakātōkāhchikatēk.

Nistam kekway(Nantaw nisto-mitanaw aski ewako kita pimespanic)

Ewakoni ōho kita kē tōcikātēwa kamāmawastāniwik ōhci anima iskwāskisēw.

- Ita kācimātēki annihi asinni ōhci kosētāniwiki ekoto kita kitāpacikātēk anima iskwāskisēw.
- Enewak kita wēsāmihcik kita wēcihiwēcik kita onipanētācik ōho kāwē tōcikātēki tāskohk anima tānsi kāwē isināhwāk ekwa mēna tānsi kāwē isētāniwik
Ita kāwē nahascikātēk iskwāskisēw, tānimatowa āpacēcikana kāwē āpatahki ekwa ekosēsi kihci kēkwān.
- Tāpitaw kita kāhwēcimecik onasēwēwak Ayāhk ōhci masinahikan kā sākaskinācikātēki. Māhti ci kita nahipaniki wēyati isi wētōcikātēki kēkwāy.
- Kita nawasōnikātēk pēyakwāyak ita assini eyayāt nahēnikohk kitātīmēk ita kita nahascikātēk iskwāskisēw, ita kākisētānikātēk kēkwāy wātēkan, ekwa kātīmēk assini ōhci wātēkāhn.
- Kita ninātawī kiskenecikātek kotahk kēkwāy āhpatcēcikan nāntaw nawac kita minwātōskēmakahk anima kākitenēcikātēk iskwāskisēw.
- Kita sēhkiskācikātēk masinahikan kāpakitinikātēk kā pakitinēht awēnak kēkwān kita tohtāhk. Ekwatowāhk anima masinahikan aski ōhci kita kitāpacikātēk anima onasōwēwin ōhci (Canadian Environment Assessment Act)
- Kita nahwasōnikātēk aski tānsi kitēsi minwāsic, ēka kita kākwēsapanātahk, ekwa asci tānsi kāwē totamomahkāk aski, eyāko anima nahēnikohk itamihk kāyāk ita kākanawēnēcikātēk iskwāskisēw, ekwa asci anima nahwac kātīmēk, ekwa tānsi kita isi pimōtāniwik anima iskwāskisēw ahtōtāniwiki.
- Kita kāhcitinikātēk masinahikan kita kwayācētāniwik aski
- Kita osēhtāniwiki ekwa kita pakitinikātēki mahkwākwa ita kita astēk iskwāskisēw
- Kita kāhcitinikātēk masinahikan e-pakitinēht awēyak kita oshētāht itāmēhk anima kāwē oshētāniwik pēyakwayak.
- Kita kēsasowācikātek, māhti ci ekosēsi kita māhci osētāniwik eka kātīmēk wahtēhkān, ekwa kēspin kita kē ahtōtāniwik iskwāskisēw pēyakayak isi. Kēhci ita kāwē nahascikātēk iskwāskisēw.
- Kēsasowāniwiki, sōskwāc kita oshētāniwik eka kātīmēk wahtēkāhn, ekwa masinahikana kita kāhcitinikāteki kāwē osētāniwik ōhci ekwa kāwē pimpanēcikātēk isi.

Anihi kawē isi tociKateki nanahethikohk kakitapacikatek

Mamitone-netamiwin

Neso Kekwan Kawetocikatek (Nantaw noisto-mitanaw aski ewako kita pimespanic)

Ewakoni ōho kāwētōcikatēki pēyakwayak ekwa kihci ita kāwē wātēhkāniwik ekwa asici kāwē wāpātinōskāniwik e-isi minwāsiki āhpacēcikana.

- Kēspin kēsēnēcikatēki kita osētāniwik ēka etimēk wāhtēkhān, kita sipwē āwacikatēk iskwāskisēw anita ōhci kācimatēki anihī assini ōhci kosetāniwiki ita isi pēyakwayak kēnwēs kita kanawēnēcikatēk iskwāskisēw.
- Kēspin māka ēka kēsēnēcikatēki kita osetāniwik ēka ētimek wātēkhān, ekosēsi kita kanawēnēcikatēk iskwāskisēw anita anihī kācimatēki assini ōhci kōsetāniwiki ita kāyāk, isko ispē kita osētāniwik ētimēk nawac wāhtēkhān.
- Kapē kita nānātonikātēk ekwa kita kā kocetāniwik ōma āhpatcēcikan itāmaskēhk kāyāk māhti ci ekwanikohk ē-minwāsik ekwa mēna anima kātimēk wāhtēkhān māhti ci ekwanikohk ē-minwāsik animōhci kāwē itāpatāhk.
- Kita wēsāmihcik enewak kita kitāhpātahkwaw māhti tānsi kāwē itasōwācikatēk ōma pēyakwayak, anihī āpatcēcikana kāwē āhpatahki ekwa ispē kāwē nahastāniwik anima iskwāskisēw māwaci itāmihk.
- Kita kēsēnēcikatēk ispē kāwē osēcikatēk kātimēk wāhtēkhān anita pēyakwayak ayāhk ōhci kēnwēsiskamik kāwē kitēnecikatēk kita ketastāniwik anima iskwāskisēw.
- Kita kēsētāniwik anima masinahikan kāwē isinākwahk kāhkithaw kēkwān ekwa isi ēka kita kostāhtikwahk, ekosi ekwa kita kācitinikātēk anima masinahikan kita pakitinikātēk anima kātimēk wāhtēkhān kāwē osētāniwik ekwa asici anihī waskic kāwē cimatēki wāskahikana.

Apowēhtoke mēna kita nitawēnētākwana māhkāhkwa ekwa mēna ita eyākoni kita osētāniwiki; ekwa mēna ita kāwē sākaskinātāniwiki ahpo ka pimōcikatēki; Ekwa mēna ita kāwē osēcikatēki māhkākwā ita iskāskisēw kāwē nahastāniwik; ekwa mēna ita kāwē mēskwaci sēkinikātēk anima iskwāskisēw.

Nisto kekwan kawē isi tociKatek(nantaw nikotwasik-o-mitahnaw aski kita pimespanic.)

Kēnwēsēskamik kākitēnēcikatēk, ekwa kāwē piskētastāniwik, ekwa pēyatahk kāwē nākatēnēcikatēk, ewakoni iskwāyāc kāwē tōcikatēki.

- Kēspin iskwāskisēw kanawēnēcikatēki ita eka etimēk pēyakwayak itāmaskuhk, Kita otinikātēk ekwa kētwām kita nahastāniwik ita kēnwēs kita kē astek ē-minwāsik māhkāhk kita āpatahk.
- Kēspin iskwāskisēw kanawēnēcikatēki ita anihī kācimatēki kita ātastāniwik pēyakwayak isi, māka ekwa kita ātāhpitēk.
- Kita nahascikatēki anihī māhkākwā ita iskwāskisēw kāstēk āhpō kākē astēk itāmihk assinihk ekota ekwa kita kihcastēki.
- Kita nanapāhcētāniwik ispē kākēsāpatāhk ēka kātimēk wahtēkhān.
- Kapē kita pimi nākatōhkāniwik ekwa asici kita kē wēci miskikātēk ahpō we otinikātēki anima iskwāskisēw itāmihk kāstēk wē nitawāpēnikāniwiki, ispē kēnwēs kē ispaniki. Māhti tānsi ē-isayak, ahpō ē-isi minwāsik anima ita kānahastāniwik.
- Kita wēcihiwēcik enewak kita wēcihiwēcik kita kitāpātcikatēki ewakoni anihī kēkwāna.
- Oko ōtē nēkān kāwē ōpikicik kita onasōwātamwak tānsi kāwē isi kisitinākwāw ekwa kāwē isi nānapācētācik ewakoni kēkwāya kā māmiskōtamāhk, āhpō anihī kā kē kocētāniwiki āpacēcikana. Ekwa mēna kita onēnētamwak ispe kāwē kipahikātēk anima tātimēk wātēkhān, ispē kita nānapācēcikanāniwik waskic tāskoc wāskahikana ita kēkwān ekostātikwahk eke atoskācikatēk. Ewa mēna tānsi kāwē isi nānācikatēk ewakonima kisitinikēwin.

Kita nitawēnēcikatēwa etoke ita kita oshētāniwiki māhkāhkwa, ita kita atoskācikatēk ōma kā mēskwaci sekiniātēk iskwāskisēw ahtotatāniwiki ispe kātimēk wātehkanihk isi mēna ita kā osēhēt pekwo kita kipahikatēki māhkākwā.

Mēkwāc aniki kātipēthētākwaw iskwāskisēw kita pimi kitēnētawamwak kēsi paminiātēthik ita anihī kācimatēki assini ōhci kosētāniwiki. NWMO kita kēcināhowak katahwa kitēsi paminiātēk iskwāskisēw ekwa mēna pimōtāniwiki ita isi anima kēnwēs kāwē kanawēnēcikatēk.

Kawe isi Pametaniwik

NWMO kita kitāpahtamwak wēnawāw tānsi kāwē isi paminikātēk ōma ekwa asici tānsi kāwē isi nācinōscikātēk. Wanaw itāpiwin ōma kākē kaskētāyahk mēkwāc kānānākatōkēyāhk ekwa kānitawāpēnikēkātāmāhk ōma kēkwāy nika wēchikonān kita wēhpmāyahkwāw enewak Canada ōhci. Kita tāpwēwakēnimikowāhkwāw. Māwaci capasis isi, māka kēyāpic nika tipiskēnān ahpō nika ānowāk totenan anima onasowēwin Kita kēcināhowahk poko anima kēsi kitēnimāyahkwāw enewak ekwa aski ekosi kesi nitawēnētākwak misiwe iskamik

Enewak kawe wechiwecik

Ekosi mistahi kita masinahikāniwin tānsi kāwē ati ispanic kēpēkiskwātēhtwāwi ōko kēkwāy ē-kitāpimikocik ehcāwinsiik kāyācik. Mēcēt pētākosowina nita e-tatēnimonān kita pehtamahk ispēc wēhtamāhkōweyāhki ōma kāwē isināhkwahk Kāwe isi nācikātēk. Ekosi anisk kitesepanic ōcitāw ita kākinaw anisitinew kā nitōtaht.

NWMO kita nitawēthēmāwak kita nitōtāhmācik masinahikan kita pakitinēhcik kita nahwasōnāhkwāw ita, ekwa kita osētāhcik kita oskisētācik, ekwa kita nānapātcētācik ita kāwe astāniwik iskwāskisēw. Masinahikan poko kita pimitsahamāhk kētastēk. Tāhto tahkoskēwin kita tawāw pēkiskwēwin.

Soniyāw Kapakitinēht.

Sōniyāw kāpakitinēht kita kēcināhonāniwik poko tānimanikohk kita mēscipaniit ōma isko kēsipaniik. Māka kita kitāpācikātēk asici kēkwān nāntaw ēka ē-ētāhtēnētāhkwāhk ispaniki kita wēispanik. Kita kēcināhonāniwik anisk poko sōniyāw kita ētaoht kēspin nitawēnimēci. NWMO kitāpimikwak kita nākatohkēcik sōniyāwa kāwē isi mēscipaniit āhteht kēkwān kā nāhcikāpawēscikātēk kita isi pimipanic. Kita tēpipaniit anisk poko ana sōniyāw kāwē āpatsit isko kita kēsipanic kākinaw kēkwān.

NWMO anima kēsinekātēk onasowēwin māka pēyāhtak wēcikemakan tānsi kāwē isi kātcitiniit sōnoyāw ekwa asici tānita ōhci. Kitāpācikātēki ōma kēnwēs iskwāskisēw. Tēpakohpwāw mitātāhtomitanāw mēna tēpakohpimitanawāw sāpo kihci mitātāhtomitanaw tāhtwāpisk kē manāchihēwak aniki kā tipēnētākwāw iskwāskisēw Isko anōhc. Onasowēwin ekosi itāstew kēcināc kāwē itāpatsit ewako sōniyāw ekwa mena kita āyāci kitēnimiit āskwēnikohk kita acimiit tānsi ē-ati itapiht.

Kawe Nawasonikatek Peyakwayak.

Atawēna nawac wēnawāw NWMO nawasōnamwak ita kāwē astēk kēkwāy, māka ekwa mistahi

māmitonēnētamwak tānsi isi anima kāwē isi nawasōnikātēk. Nitonawēwak awēya kita wēsēcikemikocik. Pēyak nānitawita ehtāwin ita enewak kwāyask ē-itinēsicik eka kita cahcowinikocik kēkwān kisowak ekota kitake isiwēpinikāniwik.

Ekosi kwāyask kita tōtamwahk, anihitipahaskāna, ita āsay ekwatowāhk kēkwāy e-atoskācikātēk, -Ontario, New Brunswick, Quebec ekwa Saskatchewan.sōskwāc kita kitāpamēcik. Māka ekwa wēstawāw aniki kotakak kita nōhtē kōcētāwak ekwa kita kē kihtāpahmēcik. NWMO kita kistēnētamwak asotāhmākēwina ekwa tānsi ewakoni kētasteki nēhinawak otaskēwāw ōhci.

Ekosi nititwānān, kākinaw awēyak kita nitōtawāw ispē nawasōnikātēki ōma ita kāwē astāniwik iskwāskisēw ahpō ita kotāk kēkwān kāwē ispanic. Kita kēcināhonāniwin aniki māwaci kāwē pakamiskācokic ekwa asici kāwē wanāhikocik kēkwān ahpō anima kāwē pimōtatāniwik mahci kēkwān ,ekosi tāskōc, kita wēchihēcik wēpētokatātawāwi pēkiskwēwin.

Ahtōtatāniwiki ēyawis iskwāskisēw kētahkwahk ōta Canada pēyakwayihow kita māwasikwascikātēk, misiwētēh poko kita ōhci pētāniwik. Enewak poko kita wāpātinēcik katawa isi ē-isi pimōticikātēk ēka kita kisiskinikātēk. Kita nahēnētāhkwāw. Māka ekwa NWMO otastoskēwiniwāw, kākē māwasakonāhkwāw kiskēnētāmōwin ekwa kāke atoskēmocik masinahikana kita masinahikātēki, ekwa kākē pēkiskwātācik anihitā e-tasēkaminit iskwāskisēw kotaka askēya ahpō kēhcōkimāwiwina, ekwa asici kēsi nisitōtāhkwāw onasowēwin, mitoni kētināc kitāwa kita kē isi pimōtahtāniwin ewako iskwāskisēw. Māka ekwa eyakwānima kāwē isi onascikātēk, pimōtēhowin ōhci, kitēsi kitēnēcikātēk kēkwān, ekwa kita ayākwāmisināniwik. Ekwa anihitā mēskanawa kāwē āhpatāhki mēcēt poko awēyakahk kēkwān ekota ē-kitāpimikocik, kita māmawatoskātāhkwāw.

Kawe isi pakamiskakoyahk inenahk, pimatchihowinihk, ekwa kekwan ka nanocitayihow.

Ahti tōcikatēki, kita nōtēnikātēw iskwātēm, ita ōhci kita nisitawinācik anihitā ahpō anihitā ētāwina, ita itinēsiwin, ekwa wānaw itāpiwin ē-ayāk enēnew ōhci kākinaw kēkwān kā e-

tasēhkāhk, pimātcihisōwinihk, isecikewinihk, ahpō papimātcisōwinihk isi. Namōna māka ēyakonik poko kāwē nakiskwākwāw kēkwāy. Kotakak mēna. Aniki kā wēkicik kisiwāk ekota anihī kācimātēki assini ōhci kōsēcikātēki mēna mistahi kēkwāy kita nakiskwamwak. Ekosi māka kākinaw awēnak āhpō apisēs kita sāmiskakot yēwako , ōstaw poko pēyakwan kitēsi pamihēt, kāwē isi wēcihiwēt othasōwātcikātēki ekwa kitapātcikātēkwāwi anihī tānsi kāwē isi wanācikēmākāhki.

Ekosi poko kita isi onasinahikātēk anima kāwē isēcikāniwik ēka mistahi kita wānācikēmākāhk atoskācikātēki kēkwāy. Ekwa ita ēkā nantaw kākē tōcikātēk, kita nisitawinācikātēk poko inikohk ē-wanācikēmākāhk, ekwa inikohk ē-mēstinikēhikohcik aniki ekota kāyācīk, ekwa katawa kita itastamāhcik. Kitakē ayākwāmisināniwin māka, tānsi anima kā isētāniwik kēkwān, ekwa asici ita kā tōcikātēk kēkwān, āhpō masinahikana ita kēkwān kā wēcikātēk, āhpō kēsi waskawētōtāhkwāw kēkwān enewak. Kita kē kaskētāniwin kākinaw ewako, kēspin wāpātinētawāwi aniki enewak ekota kāyācīk, kita isi wēcihisocik ekwa kita mēnēcik maskawisēwin kita wēcihisocik.

Kiskenetamowin ithikohk ketahkwahk.

NWMO ati isi āpacētāhtwāwi ōma Adaptive Phased Management Approach, nanisēcāhc kāwē isi tōcikātēk ōma, nika pimi kiskinwahamāsōnān ekwa kita pimi āpacētāyahk ōma kā isi onastēk tēsi āpatāhki ōskāyihk āpacēcikana. Ekosi poko kāpē kita pimi māwasikonikātēk kiskēnētāmōwin mēkwāc ōma pimi ispanici.

Ewakoma Kesinitawenetamahk.

Adaptive Phased Management kā isinēkātēk nitonikēmahkan tānsi kita isi katawa wēcēwākanitōmahkāhki kēkwāna pāpētos kēsi wēhkōmahkāhki. E-miciminēkēmākāhk anima pāpēyāhtahk ekwa ayākwām kā isi pamētāniwik kēkwān. Enewak kēsi nitawēnētāhkwāw ekwa āpacēcikana kātēsi minwāsiki kita wēcikēmākān tānsi kēkwāy kawē isi tōcikātēk. Ewakoma Adaptive Phased Management kēcikātēk e-itēnētamahk māwaci ē-minwāsic ita tākōhc kita astēki anihī ēka kākēcīnāhonānōwiki tānsi ē-isāyāki kēnwēs kēkwān ōhci kitāpācīkātēki tāskōc iskwāskisēw.

- E-yakonima ē-pakosēnimokocik oskāyak kita māci nākatokēcik ōma iskwāskisēw kenānaw kāke osehtāyahk.
- E-nisitawinācikēmāhka ōma nipahi kēnwēsēskaamic, ēkā kita kē aspēnimōnāniwik

enewak kita kitēnētākwāw kēkwān ayāhk ōhci pāpētos māna kēkwāy ē-ispanic.

- E-isētāniwik isi kita nakiskātēkātēk anima ayākwāmisīwin ekwa pēyātak isēcikēwin
- E-wēcihiwēmāhka māwawi onasōwēwin pāpiskihc kēkwān kita pēkiskwācīkātēk kātēspanic.
- E-mēkēmāhka nawasōnikēwin ayihow ōhci kēsi pamēhtāmōmahāhk sōniyāwi kēkwān ekwa asici kitakē asōhwanahmātonāniwik kētēyayihow isi oskāyahk.
- E-sēhkiskācīkēmāhka kiskinwahamātōwin. kita atēsi minwāsic kēkwān, ekwa tānsi kitēsi mino atoskēmāhka. Eka mistahi nanēkatēnimowin kitētāhkwāh.
- E-ōpinikēmāhka sōkēnimōwin ekwa tāpwēwakenimowin āpacēcikana ōhci e-mowyē ē-kēsīpathic kākinaw kēkwān kita kē ispanic.
- E-mēkēmāhka minwāyāwinihk isi ekwa aspēnimōwinihk asici paspēwinihk, kēnwēs ita kitakē kitēnēcīkātēk kēkwān ahpō mēna kita kē otinikātēk kēhtwām iskwāskisēw ita kānahascīkātēk ispē isko nēkān ōko kāwē pimātsīcīk tēhpakēnimotwāwi kita kipahkwāw anima wāhtēhkān.
- E-mēkēmāhka kāpē kita pimi kitāhpātcīkātēk māhti ci māntaw isāyāhki kēkwān kita wanāhcīkēmāhka anisitīnēw ē-tōhtahk āhpō ōcitaw e-ispanic.
- E-ohcōpīkīhka kahtawa ita māmitōnēnēcīkan ē-ayāk, ekwa enewak ē-wēkomēcīk kita wēcihiwēcīk wēstawāw kōnasowāniwik kēspin ci kita kēyāpic ē-tasēkācīkātēw kēkwāy.

Ewakoma kāti masinahikātēk nawac NWMO kā isi nitawēnētāhkwāw, kāpakosēnitamawācīk Canada okimāwiwin. Kēsēnēcīkātēki kāwē isi nacinōscīkātēk, NWMO ekwa kitakē ati nēkānikāpawīwahk kita nakiskākwāw pēyāhtahk isi kita kitāpahtākwāw iskwāskisēw kēnwēsēskaamic. Ewakoni kāpēhtokatāyahk tāhkōc ē-astek katawahk isi kiskēnētāmowin ekwa āpacēcīkan kētāpatahk, mistahi kēkwān pimōcīkēmahkan. Namōwina iskwāskisēw kānōhtē nakatamowāyāhkwāw ōko kekān kawē nētāwikicīk. Nahmōna kita kē pēhonānōwin kita kēsāsōwācīkātēk ōma kita sepwē tōcīkāēk kēkwān.

Kēsi nitawēntamāhk tānsi kēnwēs kitēsi kitēnēcikātēk iskwāskisēw. Ewakoni ōho ē-nistamēnētākwāki. Kitēnimōwēwin, paspēwin ōhci enewak ekwa aski.ekwa pēyahkwan kita isi pamihēht kākinaw awēyak.Ekosi nititānānahk Canada Okimāwak, ewakoni ōho ekota kita astēki kāwē ayākwāmisināniwik.

- Pēyakwāyak kita kācikātēk iskwāskisēw itāmihk assini ē-yapiht ita. Tāskōc ōma Canadian Shield kēcikātēk ahpō anima Ordovician kēcikātēk.
- Nanisēcāc kita pimātoskācikātēk, ekwa papēyātak nānahēnikohk kita onasowācikātēk, kiskinahamāsōwin kiskēnētamōwin kita osēhōmahkāk.
- Kita tawinikātēk, nahēnikohk itāmihk kita kē nahastāniwik iskwāskisēw pēyakwayak ē-mowayē kēsastāniwik itāmihk assinihk.
- Kapē kita pimi nākatēnēcikātēk māhti ē-isi minwāsic ekwa ē-kitēnēcikēmākāk anima wātēhkān. Ekwa kita ati masinahikātēk tānsi ē-ati isyāk.
- Kitakē māwasikonikātēk ekwa kita kē ekatēnikātēk kihtwām iskwāskisēw, kēnwēs kē ispanici. Pēnisk ōko ōtē ati nēkān kāwē onēnētākwāw tānsi kāwē isi kipahikātēk ekwa tānsi kita tōcikātēk wē kipahikātēci.

Nuclear Waste Management Organization kita āpacetwāwak ōma isikāpawinē-pimitsahakwāw anima onasowēwin Nuclear Fuel Waste Act.(NFWA) 2002 ekwa ekosi kita tōhtahkwāw.

- Kita nakiskwākwāw āhpō kita mēyāskākwāw onasowēwina kākitēnemiht omināwyāwin ekwa opaspēwin . Askī mēna.
- Kita kēcināhc pakitināhcik sōniyāwa ayāhk ōhci aniki iskotēw kōtināhwāw ekota, (Mekwac Ontario Power Generation Inc., Hydro-Quebec ekwa NB Power Nuclear) ekwa Atomic Energy of

Canada Limited, kāsi masinahikātēk kitēsi pakitiniht sōniyāw NFWA kēsi nitawēnētāhwāw.

- Kita nitōnikātēw pēyak ēhtāwin ē-pakitēnimocit otēhtāwiniwāw ekosi kita itahpatāninik ita kita nahastēk iskwāskisēw. Mitoni poko kita nahaskātōmahkāk Anima kā isi wēcikātēk tāskōk ēsa mistahi kēkwāy tāskōk assini āhpō ē-moscōsēhēht assini kita kipāpiskahikātēk iskwāskisēw. Ekosi ekwa enewak ekwa kotakak kā pimātisicik ekā kita nisowanācihēcik. Ekwa mēna aski ēka kita nisowanācētāniwik. Ahpatāki ēwakonima isikāpawiwāw kita kanācētāniwiwa ēhcāwinisa āhpō ōcēnāsa kisiwāk ē-ayāki pimācihisowinihk isi ekwa kākinaw kēkwān enewak kātoskātāhwāw.
- Kita nawasōnikātēki anihī tipahaskāna ita anihī kācimatēki assini ōhci kōsētāniwiki, āhpō ekwatōwihk kēkwān kātoskācikātēk.
- Kāpē kita pimi wēsāmihcik enewak kita wēcihiwēcik anima kātēsi onascikātēk kēkwān,ekwa:
- Ekwa mēna kita aswēnēcikātēk oskiyihk kiskēnētamōwin kātētahkwāk enewak ōhci kēkwān kā pakamiskācocik. Ekwa mēna nēhinawak okiskēnētamōwiniwāw āhpō otisēcikēwiniwāwa ekwa otatēnētamōwinōwāwa.

NWMO wēhkomēwak kākithaw awēya kita wāphtamithit ōma masinahikan, ekwa asici isēcikēwiniwāwa, ekwa opēkiskwēwiniwāw ,āhpō kākē isi miskwākwāw. Ekota oma www.nwmo.ca Mamatawapacecikanihk. Ahpō kika kē isi masinahekānāwāw:

Nuclear Waste Management Organization
49 Jackes Avenue
Toronto, Ontario
Canada M4T 1E2

Telephone: 416 934 9814
Toll free: 1 866 249 6966